

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ

Комисија за спољну трговину и царине



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM/ZASTUPNIČKI DOM

Komisija za vanjsku trgovinu i carine
Povjerenstvo za vanjsku trgovinu i carine

Број: 01/3-50-3-3-10,11/12
Сарајево, 15. марта 2012. године

16-03-2012

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMJENO:			
Klasifika- ciona oznaka	Broj	Broj	Broj
01-	50-19-	393/12	

B

ПАРЛАМЕНТАРНА СКУПШТИНА БиХ
ПРЕДСТАВНИЧКИ ДОМ
Колегијуму дома

Предмет: Оријентациони радни план Комисије за спољну трговину и царине за
2012. годину, доставља се

На основу члана 60. став (2) Пословника Представничког дома Парламентарне скупштине Босне и Херцеговине Комисије за спољну трговину и царине на 11. сједници, одржаној 13. марта 2012. године, утврдила је предлог Оријентационог радног плана за 2012. годину који се доставља на службеним језицима у употреби у Босни и Херцеговини.

Прилага: 3

Предсједавајући Комисије
Борислав Бојић

- Доставити:
- Наслову
 - а/а.



Broj: 01/3-50-3-3-10,11/12
Sarajevo, 13. 3 .2012.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 16-03-2012

Regionalna jedinica	Klasifikacioni broj	Redni broj	Proj. broj
01-	50-19-	393/12	*****

B

Na osnovu člana 60. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06, 91/07 i 87/09), Komisija za vanjsku trgovinu i carine Predstavničkog doma je na 11. sjednici, održanoj 13. marta 2012., utvrdila

ORIJENTACIONI RADNI PLAN KOMISIJE ZA VANJSKU TRGOVINU I CARINE PREDSTAVNIČKOG DOMA ZA 2012. GODINU

Uvod

Komisija za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) pratit će i razmatrati određena pitanja iz svoje nadležnosti tako što će se odrediti o svakom konkretnom pitanju vodeći računa o rokovima i kontinuitetu održavanja sjednica, kao i saradnji koju predlože nadležni organi Bosne i Hercegovine ili međunarodne organizacije.

Na osnovu člana 43. Poslovnika Predstavničkog doma, Komisija će u okviru svoje nadležnosti razmatrati pitanja koje se odnose na: vanjskotrgovinsku politiku, sporazume o međunarodnoj trgovini, carinsku politiku, tarife, propise i zakone iz ove oblasti, međunarodne obaveze Bosne i Hercegovine, odnose s međunarodnim trgovinskim institucijama i druga pitanja iz oblasti vanjske trgovine i carina.

Cilj Komisije je da se planirana ili predložena pitanja razmatraju blagovremeno i da aktivnosti budu usklađene sa zahtjevima Predstavničkog doma.

Vijeće ministara BiH dostavilo je Parlamentarnoj skupštini BiH, 23.12.2011., Program rada Vijeća ministara za 2012. godinu, kojim je planirano da se u parlamentarnu proceduru upute 73 prijedloga zakona. Komisija bi iz svoje nadležnosti trebalo da razmatra određene prijedloge zakona, kako je navedeno u pregledu u kvartalnom periodu.

Tek nakon usvajanja Orijehtacionog radnog plana Predstavničkog doma Komisija će moći konkretno precizirati svoje obaveze u okviru zakonodavne i informativne aktivnosti.

U ovom planu navedene su pojedine specifične aktivnosti vanjske trgovine i carina, što znači da će plan rada Komisije biti fleksibilan i prilagođavan aktuelnim temama.

PLAN RADA PO KVARTALIMA

JANUAR – MART

a) Zakonodavna aktivnost

1. Prijedlog zakona o sistemu državne pomoći u Bosni i Hercegovini, predlagač: Vijeće ministara BiH;
2. Prijedlog zakona o carinskoj tarifi, predlagač: Vijeće ministara BiH.

b) Ostale aktivnosti

- 1) Izvještaj o radu Vijeća ministara BiH za 2011.godinu - Ministarstva za vanjsku trgovinu i ekonomske odnose BiH, Ureda za veterinarstvo BiH, Uprave BiH za zaštitu zdravlja bilja;
- 2) Godišnji izvještaj o realizaciji Mape puta s ciljem stvaranja uslova za izvoz proizvoda životinjskog i biljnog porijekla, nosilac aktivnosti: Ministarstvo vanjske trgovine i ekonomskih odnosa BiH;
- 3) Godišnji izvještaj o realizaciji mjera za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine, nosilac aktivnosti: Ministarstvo vanjske trgovine i ekonomskih odnosa BiH;
- 4) Godišnji izvještaj o međunarodnoj pomoći za sektor poljoprivrede, ishrane, šumarstva i ruralnog razvoja u Bosni i Hercegovini za 2011. godinu, nosilac aktivnosti: Ministarstvo vanjske trgovine i ekonomskih odnosa BiH;
- 5) Priprema i usvajanje Izvještaja o radu Komisije u 2011.godini;
- 6) Priprema i usvajanje Orijentacionog radnog plana Komisije za 2012.godinu;
- 7) Posjeta članova Komisije: Agenciji za sigurnost hrane BiH, Upravi BiH za zaštitu zdravlja bilja, Upravi za indirektno oporezivanje BiH te Uredu za veterinarstvo BiH.

Razmatranje ostalih akata - informacija, izvještaja i drugih akata iz nadležnosti Komisije.

APRIL - JUNI

a) Zakonodavna aktivnost

1. Prijedlog zakona o izmjeni i dopuni zakona o zaštiti potrošača, predlagač: Vijeće ministara BiH;
2. Prijedlog zakona o izmjenama i dopunama Zakona o zaštiti novih sorti poljoprivrednog bilja u BiH, predlagač: Vijeće ministara BiH.

b) Ostale aktivnosti

1. Izvještaj o radu Upravnog odbora Izvozno-kreditne agencije BiH za 2011. godinu, nosilac aktivnosti: Izvozno-kreditna agencija BiH;
2. Izvještaj iz oblasti poljoprivrede za Bosnu i Hercegovinu za 2011. godinu, nosilac aktivnosti: MVTEOBiH, predlagač: Vijeće ministara BiH;
3. Sastanci s članovima i predstavnicima Sektora za poljoprivredu Ministarstva vanjske trgovine i ekonomskih odnosa BiH, s ciljem preduzimanja aktivnosti u realizaciji mjera za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine.

- Razmatranje ostalih akata - informacija, izvještaja i drugih akata iz nadležnosti Komisije.

JULI - SEPTEMBAR

a) Zakonodavna aktivnost

1. Zakon o carinskoj politici Bosne i Hercegovine, nosioci aktivnosti: UIOBiH i MVTEOBiH, predlagač: Vijeće ministara BiH;
2. Zakon o tehničkim zahtjevima za proizvode i ocjenjivanje usklađenosti, predlagač: Vijeće ministara BiH.

b) Ostale aktivnosti:

- Razmatranje ostalih akata - informacija, izvještaja i drugih akata iz nadležnosti Komisije.

OKTOBAR- DECEMBAR

a) Zakonodavna aktivnost

1. Prijedlog zakona o carinskim prekršajima, predlagač: Vijeće ministara BiH;
2. Prijedlog zakona o popisu poljoprivrede i ruralnog razvoja u Bosni i Hercegovini, predlagač: Vijeće ministara BiH.

b) Ostale aktivnosti

- Izvještaj o radu Izvoznog vijeća BiH, nosilac aktivnosti: Ministarstvo vanjske trgovine i ekonomskih odnosa BiH;

- Razmatranje Analize vanjskotrgovinske razmjene Bosne i Hercegovine za period januar-septembar 2012.godine, obrađivač: Ministarstvo vanjske trgovine i ekonomskih odnosa BiH u saradnji s Vanjskotrgovinskom komorom BiH i Agencijom za statistiku BiH;
- Razmatranje ostalih akata - informacija, izvještaja i drugih akata iz nadležnosti Komisije.

Međunarodne-međuparlamentarne aktivnosti

Komisija će, u koordinaciji s Ministarstvom vanjske trgovine i ekonomskih odnosa BiH, kako to bude nalagalo stanje vanjskotrgovinskog poslovanja BiH, u oblasti vanjske trgovine, ekonomskih odnosa i carina saradivati sa Sektorom za vanjskotrgovinsku politiku i strana ulaganja - Odsjekom za promociju i unapređenje izvoza, kao i Sektorom za carinsku politiku i tarife.

Predložiti da članovi Komisije prisustvuju sjednicama Izvoznog vijeća u provođenju monitoringa Strategije rasta izvoza BiH od 2012. do 2015. godine, nakon što je Vijeće ministara BiH razmotri i usvoji;

Razmatrati realizaciju određenih pitanja zaključivanjem, odnosno stupanjem na snagu Sporazuma o slobodnoj trgovini između Bosne i Hercegovine i Evropske asocijacije za slobodnu trgovinu (EFTA), koju čine Island, Lihtenštajn, Švicarska i Norveška;

Prisustvovati sjednici Pododbora CEFTA 2006 za carine i pravila porijekla roba u 2012. kojim će predsjedavati BiH.

U saradnji i koordinaciji s Vanjskotrgovinskom komorom BiH, dogovoriti prisustvo učešće na:

- Međunarodnom sajmu prehrambene proizvodnje i tehnologije, Istanbul, Turska, 20.-23. 9. 2012.;
- Stručnom skupu „Aktuelna kretanja u prehrambenoj industriji“ u Sarajevu;
- Međunarodnom općem sajmu bh. kompanija iz različitih sektora privrede, Tirana, Albanija, 25.-30.11.2012.
- Specijalističkim seminarima u saradnji sa SIPPO - Švicarska, u Sarajevu.

Uspostaviti saradnju sa srodnim komisijama, odnosno odborima Republike Hrvatske i ostalim odborima u regionu u pravcu unapređenja i razmjene iskustva u načinu rada.

Za eventualne pozive članova Komisije u inozemstvo u 2012. godini u vezi s njenim djelokrugom bit će ispoštovana odluka Kolegija Predstavničkog doma.

Ostale aktivnosti

Prema ukazanoj potrebi, Komisija će se sastajati s predstavnicima nadležnih entitetskih ministarstava, Vlade Brčko Distrikta BiH, VTKBiH, Privredne komore Federacije BiH, Privredne komore Republike Srpske, nevladinih organizacija i udruženja proizvođača, s ciljem smanjenja carinskih barijera prilikom izvoza bh. proizvoda, povećanja izvoza, odnosno smanjenja vanjskotrgovinskog deficita.

Članovi Komisije učestvovat će na konferencijama i seminarima koji se odnose na oblasti koje su u njenoj nadležnosti.

Komisija će nastojati da unaprijedi saradnju s drugim institucijama Bosne i Hercegovine, a naročito s Ministarstvom vanjske trgovine i ekonomskih odnosa BiH.

Nove obaveze koje se mogu pojaviti, prije svega prijedlozi zakona koje dostavi Vijeće ministara BiH i inicijative ovlaštenih predlagača, bit će blagovremeno razmatrane na sjednicama Komisije.

REZIME

Komisija za vanjsku trgovinu i carine nastojat će u potpunosti realizirati planirane aktivnosti. Također, Komisija zadržava pravo da u fazi rasprave o Orijentacionom radnom planu utvrdi i druge prijedloge zakona i akata kada budu dostavljeni u parlamentarnu proceduru.

Predsjedavajući Komisije

Borislav Bojić

